

Nā Nīnau Ho‘ono‘ono‘o

He mau nīnau ho‘owala‘au a hō‘eu i ka hana pili i nā wikiō Kumukahi



Kumuhana: **OLI**

Mokuna: Ka‘a‘ike

Māhele: Nā Kānaka

Hoa hele: Keola Akana

Kama‘āina: Kaponō‘ai Molitau

Paena: http://www.kumukahi.org/units/na_kanaka/kaaike/oli

Nā nīnau kiko‘ī

1. He aha ia mea ‘o ke oli? ‘O wai ka po‘e i hiki ke oli?
2. He aha nā pō‘aiapili kūpono no kou oli ‘ana?
3. I ko ‘Anakala Kaponō‘ai oli ‘ana, ‘o kona leo wale nō kai ho‘okipa iā ‘Anakala Keola? He aha ka hana a kona kino? He haumāna hou ‘akahi a komo ma kāu papa. Pehea ‘oe e aloha ai iā ia? He aha ka hana a kou leo me kou kino?
4. Ma ka pō‘aiapili ‘o ka ho‘okipa ‘ana, e aho paha ke oli ma mua o ka ‘ōlelo wale ‘ana nō iā “Aloha”? E wehewehe mai i kou mana‘o.
5. E ho‘olohe hou iā ‘Anakala Kaponō‘ai ma ke oli ‘ana. Ua hiki iā ‘oe ke ho‘opili i kona leo? He wai ‘au‘au paha nou, ‘a‘ole paha? No ke aha?
6. No ke aha e maka‘ala mau ai i nā hua‘ōlelo a kākou e oli ai a e ‘ōlelo ai ho‘i? Ua pili ia maka‘ala ‘ana i ke oli a me ka ‘ōlelo Hawai‘i wale nō? E wehewehe mai i kou mana‘o.

Nā nīnau laulā

- He aha nā ha‘awina o kēia wikiō e pili ana i ka ‘ike Hawai‘i a me kona mau pono no kēia au e ne‘e nei?
- Pehea e pili ai ia wikiō i kekahi mau hi‘ohi‘ona o ka mo‘omeheu Hawai‘i āu i a‘o ai a i ‘ike ai paha?
- Pehea kākou e ho‘omau ai i kēia mau hana ku‘una Hawai‘i i kēia mua aku?